



歷代帝王曆祚考卷之七

新安吳繼安康侯甫編輯

吳明春伯生甫攷正

孫用之爾行甫校閱

○大唐

始高祖武德元年戊寅終哀帝天祐四年丁卯二十一帝并武后合二百九十年梁朱溫滅之然天祐四年卽梁開平元年

高祖皇帝姓李名淵字叔德隴西成紀人其先

顓頊苗裔始祖涼武昭王李暠五世生祖虎
事後周封唐國公父昞生高祖於長安體有
三乳襲封唐公煬帝南巡天下盜起以高祖
爲大原畱守世子世民因有定天下之志與
晉陽令劉文靜謀起兵因宮監裴寂以脅高
祖大業十三年丁丑舉兵入長安立恭帝進
爵爲王明年戊寅遂卽皇帝位承隋火德以
土德王都長安建元武德在位九年謚神堯
大聖大光孝皇帝廟號太祖葬獻陵追封祖

爲太祖景皇帝父爲世祖元皇帝兄涑爲梁
王封弟湛爲蜀王子二十二隱太子建成太
宗衛懷王玄霸巢刺王元吉楚哀王智雲荆
王元景漢王元昌鄴悼王元亨周王元方徐
康王元禮韓王元嘉彭思王元則鄭惠王元
懿霍王元軌虢莊王鳳道孝王元慶鄧康王
元裕舒王元名魯王靈夔江安王元祥密貞
王元曉滕王元嬰妹一同安公主女十九長
沙公主襄陽公主平陽昭公主適柴紹高密

公主長廣公主萬春公主房陵公主九江公主廬陵公主南昌公主安平公主淮南公主真定公主衡陽公主丹陽公主臨海公主館陶公主安定公主常樂公主

太宗皇帝名世民高祖次子為人英武有大志高祖有天下皆其功也初封秦王武德九年六月殺太子建成齊王元吉因立為皇太子明年丁亥受內禪即位改元貞觀在位二十三年言文武大聖大廣孝皇帝葬昭陵子十

四常山愍王承乾楚王寬鬱林王恪濮恭王泰庶人祐蜀悼王愔蔣王暉越王貞高宗紀王慎江殤王囂代王簡趙王福曹王明女二十一襄城公主汝南公主南平公主遂安公主長樂公主豫章公主北景公主普安公主東陽公主臨川公主清河公主蘭陵公主晉安公主安康公主新興公主城陽公主合浦公主金山公主晉陽公主常山公主新城公主

高宗皇帝名治太宗第九子初封晉王庚戌卽
位改元者十四永徽六顯慶五龍朔三麟德
二乾封二總章二咸亨四上元二儀鳳三又
調露一永隆一開耀一永淳一弘道一在位
三十四年謚天皇大聖大弘孝皇帝葬乾陵
子八燕王忠原悼王孝澤王上金許王素節
孝敬皇帝弘章懷太子賢中宗睿宗女三義
陽公主高安公主太平公主
周則天皇后姓武名嬰武士護之女并州文水

人初爲太宗才人高宗私之太宗崩削髮
居感業寺爲尼高宗召入立爲昭儀號宸
妃尋立爲后弘道元年癸未高宗崩明年
甲申臨朝稱制廢子中宗爲廬陵王僭竊
大位改國號周建子爲正自稱天冊金輪
聖神則天皇帝改元者十九嗣聖中宗一
月文明睿宗七月光宅共一年垂拱四年
永昌一年天授改載初二年如意改長壽
二年延載一年天冊萬歲改證聖一年又

萬歲通天改萬歲登封一年神功一年又
聖曆二年久視一年大足改長安四年共
僭位二十一年荒淫殘虐毀唐宗廟誅李
氏子孫幾盡賴狄仁傑忠諫復立廬陵王
後五王誅亂反正徙於正陽宮崩葬乾陵
中宗皇帝名顯高宗第七子初卽位爲太后所
廢遷於房州聖曆二年復爲皇太子長安五
年乙巳張柬之等以羽林兵討亂奉之卽位
改元者二神龍二景龍三在位五年爲后韋

氏及女安樂公主所酖謚大和大聖大昭孝
皇帝葬定陵韋后矯詔立溫王重茂自爲皇
太后攝政改元唐隆一月臨淄王隆基率萬
騎入北軍討亂反正中宗四子懿德太子重
潤卽重照譙王重福節愍太子重俊溫王重
茂女八新都公主宜城公主定安公主長寧
公主永壽公主永泰公主安樂公主成安公
主

睿宗皇帝名旦高宗第八子初封殷王徙封相

王武后廢中宗立爲皇帝改國號周復廢爲
皇嗣中宗復位進號安國相王景龍四年庚
戌韋后構逆子隆基誅韋后定內難奉以卽
位改元者四景雲二先天改太極五月又改
延和一在位三年傳位太子隆基謚玄真大
聖大興孝皇帝葬橋陵子六長讓皇帝憲初
爲宋王本名成器惠莊太子撝初爲申王名
成義玄宗惠文太子範初爲衛王惠宣太子
業初爲趙王隋王隆悌女十一壽昌公主安

興昭懷公主荆山公主淮陽公主代國公主
涼國公主薛國公主鄔國公主金山公主王
真公主霍國公主

玄宗皇帝名隆基睿宗第三子初封臨淄王定
內難有功立爲太子癸丑受內禪卽位改元
者二開元二十九天寶十四在位四十三年
開元之際勵精政事幾致太平天寶三年改
年爲載相李林甫寵楊貴妃窮奢極欲養成
漁陽之變狼狽幸蜀傳位於肅宗自爲上皇

寶應元年崩於西內謚至道大聖大明孝皇
帝葬泰陵子三十人靜德太子琮謚奉天皇
帝太子瑛被殺肅宗棣王琰鄂王瑤被殺靖
恭太子琬光王琚被殺夏悼王一儀王璵穎
王璪懷思王敏求王璘壽王瑁延王玢盛宣
王琦濟王環信王瑄義王玼陳王珪豐王珙
恒王瑱涼王璿汴哀王璪餘七子蚤夭無傳
女三十末穆公主常芬公主孝昌公主唐昌
公主靈昌公主常山公主萬安公主上仙公主

懷思公主晉國公主新昌公主臨晉公主衛
國公主真陽公主信成公主楚國公主普康
公主昌樂公主末寧公主宋國公主齊國公
主咸宜公主宜春公主廣寧公主萬春公主
太華公主壽光公主樂城公主新平公主壽
安公主

肅宗皇帝名亨初名嗣昇更名浚又名紹玄宗
第三子天寶十五載丙申安祿山反於漁陽
玄宗避賊至馬嵬父老遮畱太子討賊玄宗

許之遂自即皇帝位於靈武改天寶十五載為至德元載玄宗幸蜀即馳使禪位改元者三至德二載乾元二載上元二載又改載為年寶應一 共在位七年謚文明武德大聖大宣孝皇帝葬建陵子十四代宗越王係承天皇帝俊衛王佖彭王僅堯王儻涇王佺鄆王榮襄王橫杞王倕召王偲恭懿太子侶定王侗皇子僖女七宿國公主蕭國公主和政公主鄰國公主紀國公主永和公主郃國公主

代宗皇帝名豫一名倣肅宗長子初為天下兵

馬大元帥進封楚王癸卯即位改元者有三

廣德二 未泰一 大曆十四在位十七年謚睿

文孝武皇帝葬元陵子二十德宗昭靖太子

邈均王遐睦王述丹王逾恩王連韓王廻簡

王邁益王廼隋王迅荆王選蜀王遡忻王造

韶王暹嘉王運端王遇循王適恭王通原王

達雅王逸女十八靈仙公主真定公主末清

公主齊國昭懿公主華陽公主玉清公主嘉

豐公主長林公主太和公主趙國莊懿公主
王虛公主普寧公主晉陽公主義清公主壽
昌公主新都公主西平公主章寧公主

德宗皇帝名适代宗長子初為天下兵馬大元
帥進封魯王庚申即位改元者有三建中四
興元一貞元二十一在位二十五年奉天之
難專事姑息藩鎮之禍始於此矣謚神武聖
文皇帝葬崇陵子十一長順宗次舒王誼本
昭靖太子之子取為第二子通王諶虔王諒

肅王詳文敬太子諲本順宗子取為第六子
資王謙代王諲昭王誠欽王諤珍王誠女十
一韓國貞穆公主魏國憲穆公主鄭國莊穆
公主臨真公主永陽公主普寧公主文安公
主燕國襄穆公主義川公主宜都公主晉平
公主

順宗皇帝名誦德宗長子乙酉即位改元永貞
在位八月傳位於太子謚至德弘道大聖大
安孝皇帝葬豐陵子二十七憲宗郊王經均

王緯淑王縱莒王紆密王綢郇王總邵王約
宋王結集王緡冀王絳和王綺衡王絢會王
纁福王綰珍王繕撫王統嶽王緄袁王紳桂
王綸翼王綽斬王緝欽王績餘四子蚤夭無
謚女十一漢陽公主梁國恭靖公主東陽公
主西河公主雲安公主襄陽公主潯陽公主
臨汝公主虢國公主平恩公主邵陽公主

憲宗皇帝名純順宗長子丙戌受內禪卽位改
元元和在位十五年爲內侍陳弘志所弑謚

昭文章武大聖至神孝皇帝葬景陵子二十
穆宗宣宗惠昭太子寧灃王惲深王琮洋王
忻絳王悟建王恪鄜王憬瓊王悅沔王恂葵
王懌茂王愔淄王協衡王愴澶王忱棣王惲
彭王愔信王懽榮王憤女十八梁國長公主
永嘉公主衡陽公主宣城公主鄭國溫儀公
主岐陽莊淑公主陳畱公主貞寧公主南康
公主臨真公主普康公主真源公主永順公
主安平公主永安公主義寧公主定安公主

貴卿公主

穆宗皇帝名恒憲宗第三子初封遂王憲宗崩
梁守謙等稱遺詔立之辛丑卽位改元長慶
在位四年謚睿聖文惠孝皇帝葬光陵子五
敬宗文宗武宗懷懿太子湊安王溶女八義
豐公主淮陽公主延安公主金堂公主清源
公主饒陽公主義昌公主安康公主

敬宗皇帝名湛穆宗長子乙巳卽位改元寶曆
在位二年爲中官劉克明所弑謚睿武昭愍

孝皇帝葬莊陵子五悼懷太子普梁王休復
襄王執中紀王言揚陳王成美女三永興公
主天長公主寧國公主

文宗皇帝名昂穆宗第二子初封江王敬宗崩
中尉王守澄等奉而立之丁未卽位改元者
二太和九開成五在位十四年謚元聖昭獻
孝皇帝葬章陵子二莊恪太子永蔣王宗儉
女四興唐公主西平公主卽寧公主光化公
主

武宗皇帝名炎穆宗第五子初封穎王左右神
策護軍中尉魚弘志仇士良立爲皇太弟而
廢太子成美使復爲陳王帝辛酉卽位改元
會昌在位六年謚至道昭肅孝皇帝葬端陵
子五杞王峻益王峴兗王岐德王暉昌王嗟
女七昌樂公主壽春公主長寧公主延慶公
主靜樂公主樂溫公主永清公主

宣宗皇帝名忱憲宗第十三子初爲光王中尉
馬元贄立爲皇大叔武宗崩丁卯卽位改元

大中在位十三年謚元聖至明成武獻文睿
智章仁神聰懿道大孝皇帝葬貞陵子十二
懿宗靖懷太子漢雅王涇通王滋慶王沂濮
王澤鄂王潤懷王洽昭王泃康王汶廣王漼
衛王灌女十一萬壽公主永福公主齊國恭
懷公主廣德公主義和公王饒安公主盛唐
公主平原公主唐陽公主許昌莊肅公主豐
陽公主

懿宗皇帝名淮宣宗長子始封鄆王宣宗愛夔

王滋欲立之以懿宗長未決宣宗崩中尉王宗實等矯詔立之庚辰卽位改元咸通在位十四年謚昭聖恭惠孝皇帝葬簡陵子八僖宗昭宗魏王侑京王佖蜀王佶威王侃吉王保恭哀太子倚女八衛國文懿公主安化公主普康公主昌元公主昌寧公主金華公主仁壽公主未壽公主

僖宗皇帝名儼懿宗第五子初封普王名儼懿宗疾大漸中尉劉行深立爲皇太子甲午卽位改元者五乾符六廣明一中和四光啓三文德一在位十五年廣明元年黃巢作亂入長安帝幸成都五年滅之光啓元年朱玖反以襄王煨僭卽皇帝位改元建眞三月尋誅滅之由是干戈日尋權歸藩鎮唐室始不振矣謚惠聖恭定孝皇帝葬靖陵子二建王震益王陞女二唐興公主未平公主

昭宗皇帝名晔懿宗第七子初封壽王文德元年三月僖宗崩羣臣以吉王長欲立之觀軍

容使楊復恭迎帝卽位明年己酉改元龍紀
一天順二景福三乾寧四光化三天復三遷
都洛陽又改天祐一共改元者七在位十六
年爲朱全忠所弑謚聖穆景文孝皇帝葬和
陵子十七德王裕哀帝棣王禩虔王禊沂王
禔遂王禕景王祕祁王祺雅王禎瓊王祥端
王禎豐王和和王福登王禧嘉王祐穎王禔
蔡王祐女十一新安公主平原公主信都公
主益昌公主唐興公主德清公主太康公主

末明公主新興公主普安公主樂平公主
哀帝名祝昭宗第九子初封輝王朱全忠已弑
昭宗矯詔立帝爲皇太子天祐元年甲子八
月卽位因昭宗天祐年號在位三年終丁卯
三月朱全忠篡位封爲濟陰王復弑之年十
七謚曰昭宣帝葬溫陵唐亡

謹按唐起高祖武德戊寅至元順帝至正
丁未共計七百五十年

唐僭位改元五國

燕

安祿山營州柳城胡人本姓康其母阿史德
爲覲居突厥中禱子於軋犖山旣而妊生
祿山遂字之隨母嫁虜將安延偃冒姓安
更名祿山伎忍多智善億測人情通六番
語天寶元年爲范陽節度河北採訪使仍
領平盧軍玄宗極尊寵之使爲楊貴妃養
子肆行無忌天寶十三年十一月遂反於
漁陽明年乙未僭稱雄武皇帝國號燕建

元聖武入據長安僭位二年目盲疽發子

慶緒使李猪兒弑之矯詔自立改聖武二

年爲載初元年又改天成天和縱樂飲酒

戰敗棄長安奔鄴唐兵圍急奉璽綬讓於

史思明思明救之却王師遂縊死慶緒并

其四弟祿山父子僭位凡三年而滅

史思明寧夷州突厥種初名宰于玄宗賜其

名爲人姿癯露鳶肩偃背頰目側鼻寡鬚

髮躁健獠狡與祿山共鄉里生先祿山一

日初黨祿山後降唐封歸義郡王乾元二年已亥復反僭稱大聖周王建元應天救相州殺慶緒并其衆更國號大燕自稱應天皇帝改元順天鑄順天得一錢僭位三年長孳子史朝義弒之遂卽位於東京改元顯聖敗於莫州老成宿將皆莫爲用逃奔漁陽回止幽州縊死思明父子僭位凡四年而滅

楚

李希烈燕州遼西人少籍平盧軍有功拜節度使建中四年反自稱建興王天下都元帥遂據汴卽皇帝位國號楚建元武成貞元二年希烈勢日蹙遂成病親將陳仙奇陰令醫毒之以死斬希烈并妻子七首函獻天子尸之於市希烈僭位凡四年而滅

秦

朱泚幽州昌平人父懷珪事安史二賊大曆七年泚與弟滔爲朱希彩部將希彩爲下

歷代通鑑輯覽 卷之八十七
所殺拜泚盧龍節度使泚入朝京師遂失
權滔得爲節度留後建中四年十月詔涇
原節度使姚令言督鎮兵五千救襄城過
闕反入宮剽掠天子出幸奉天泚遂乘機
僭卽皇帝位國號大秦建元應天圍逼奉
天三旬有六日敗於李懷光而退又更國
號漢改元天皇共僭位一年興元元年五
月其將韓旻射墜窖中斬之傳首以獻

齊

黃巢曹州冤句人世鬻鹽富於貲財善擊劍
騎射喜養亡命乾符二年王仙芝作亂於
河南所在剽掠巢與八人募衆數千以應
之北掠齊魯號衝天大將軍廣明元年庚
子十一月陷東京遂入長安僭卽皇帝位
國號大齊建元金統殺人血流可涉謂之
洗城中和三年李克用收復長安巢敗奔
其賊將斬巢首以降共僭位五年而滅

越

董昌杭州臨安人初自領州事鎮海節度使
託神詭衆乾寧二年僭卽皇帝位國號大
越羅平建元天冊自稱聖人鑄銀印方四
寸文曰順天治國之印浙東道招討使錢
鏐攻之懼降不許爲鏐將顧全武詒而執
之斬首送京師僭位凡二年而滅

○五代

始梁太祖開平丁卯終周恭帝顯德己未共
五十三年

梁 後梁

始太祖開平元年丁卯終末帝龍德三年癸
未二帝凡十七年後唐莊宗滅之然龍德三
年卽唐同光元年

太祖皇帝姓朱名溫宋州碭山午溝里人父誠
以五經教授鄉里生三子長全昱次存三爲
帝帝兇悍有勇力初從黃巢爲盜力屈降唐
賜名全忠拜汴州刺史宣武軍節度使後封
梁王弒昭哀二帝天祐四年丁卯夏四月卽

皇帝位更名晃改國號曰梁升汴州爲開封
府建爲東都以唐東都爲西都承唐土德以
金德王建元開平四又改乾化二改元者二
在位六年謚神武元聖孝皇帝追尊父誠爲
烈祖文穆皇帝母文惠皇后封兄全昱爲廣
王其三子友諒衡王友能惠王友誨邵王又
追封兄存爲朗王其二子友寧安王友倫密
王帝八子彬王友裕郢王友珪福王友璋末
帝賀王友雍建王友徽康王友孜目重瞳子
後以反誅又養子博王友文女萬安大長公
主安陽公主金華公主乾化二年六月帝病
謂友文妻王氏召友文友珪妻張氏以告友
珪遂率牙兵夜入弑帝刃出於背而死友珪
帝第二子乃宋逆旅婦人野合所生矯詔殺
友文而卽位明年癸酉改元鳳曆二月均王
友貞起兵誅之

末帝名友貞更名瑱太祖第四子初封均王鳳
曆元年癸酉二月起兵入東都誅友珪卽位

復鳳曆二年稱乾化三年明年為四年又改
貞明六龍德三改元者二在位十一年唐莊
宗伐梁戰敗自殺梁亡

唐
後唐

始莊宗同光元年癸未終潞王清泰三年丙
申四帝三姓凡十四年晉石敬瑭滅之然清
泰三年即晉天福元年

莊宗皇帝姓李名存勗小字亞子晉王李克用
之長子其先本號朱邪蓋出於西突厥至其

後別自號曰沙陀而以朱邪為姓祖赤心以
討龐勛有功拜振武軍節度使賜姓名李國
昌父克用破黃巢復京師功第一拜河東節
度使封隴西郡王進封晉王天祐四年丁卯
梁滅唐明年父晉王卒帝嗣王位於太原遂
破梁兵於夾寨天祐二十年癸未滅梁即皇
帝位國號唐復為土德王都鄴後遷洛建元
同光在位三年追尊父克用為太祖武皇帝
封弟邕王存美末王存霸薛王存禮申王存

渥睦王存義通王存確雅王存紀同光四年
丙戌四月李嗣源反伶人郭從謙作亂帝中
流矢而崩謚光聖神愍孝皇帝葬雍陵子五
長魏王繼岌次繼高繼潼繼蟾繼峽皆幼未
受封

明宗皇帝世本夷狄無姓氏父電爲鴈門部將
生子邈佶烈以騎射事太祖賜姓名李嗣源
以爲養子同光四年丙戌三月趙在禮反於
魏大臣請遣之討賊莊宗不許不得已遣之

乃反與魏合兵入汴莊宗崩於洛遂卽皇帝
位改元天成四又改長興四在位八年子四
長從璟初名從審以明宗反見誅秦王從榮
閔帝許王從益養子潞王從珂最長女晉國
公主末寧公主末安公主瓊華公主

閔皇帝名從厚明宗第三子初封宋王長興四
年癸巳十一月秦王從榮反伏誅召王於鄴
明宗崩遂卽位明年甲午改元應順四月鳳
翔節度使從珂反帝出居衛州遂入京師降

帝為鄂王尋弒之并殺其四皇子

廢帝鎮州平山人本姓王氏其世微賤母魏氏少寡有子阿三已十餘歲明宗過平山掠得之養以為子名曰從珂明宗入立封潞王後為鳳翔節度使長興四年據城反遂入長安弒閔帝自立甲午即位改元清泰在位三年河東節度使石敬瑭反以契丹兵犯京師帝與太后并二子重吉重美女幼澄俱自焚死唐亡

晉

後晉

始高祖天福元年丙申終出帝開運三年丙午二帝凡一十一年契丹耶律德光滅之

高祖皇帝其父臬捩雞本出於西夷自朱邪歸唐從李克用征伐有功為洛州刺史生敬瑭其姓石氏不知得姓之始初事明宗為太原節度使尚未寧公主清泰三年廢帝疑其反徙鎮天平遂反求援於契丹約為父子稱臣遂滅後唐丙申即皇帝位國號晉承唐土德

歷代考 卷七
以金德王都汴以幽涿薊檀順瀛漠蔚朔雲
應新媯儒武寰十六州入於契丹建元天福
在位七年謚聖文章武明德孝皇帝追尊皇
考爲獻祖孝元皇帝兄敬儒爲宋王弟敬德
爲福王敬殷爲通王從弟重胤養以爲子封
鄭王妹烏氏公主子六楚王重信壽王重義
號王重英夔王重進重睿幼未封重杲小名
馮六最幼

出帝名重貴高祖兄宋王敬儒之子初封齊王
天福八年癸卯高祖崩五子皆亡而重睿幼
故立之卽皇帝位於柩前明年改元開運通
共在位四年與契丹絕盟契丹舉兵入汴舉
族出降封負義侯并太后與二子延煦延寶
驅之北行遷黃龍府不知所終晉亡

漢

後漢

始高祖天福十二年丁未終隱帝乾祐三年
庚戌二帝凡四年周郭威滅之

高祖皇帝姓劉名暉初名知遠其先沙陀部人

後世居於太原初事晉高祖領忠武軍節度使後封北平王開運四年丁未契丹滅晉中原無主遂卽皇帝位於晉陽仍稱天福十二年國號漢承晉金德以水德王都汴明年戊申改元乾祐二月崩謚睿文聖武昭肅孝皇帝葬睿陵追尊父瑛爲顯祖章聖皇帝封弟崇爲太原尹北京畱守後爲北漢皇帝信爲蔡王子三魏王承訓蚤薨隱帝陳王承勛

隱皇帝名承祐高祖第二子乾祐元年戊申二

月卽位仍稱乾祐年號在位三年庚戌鎮寧軍節度使郭威反舉兵入汴隱帝出禦之爲亂兵所弑時年二十高祖父子共在位四年郭威乃請李太后臨朝議立高祖弟劉崇之子贊未至遣人拒之於路廢爲湘陰公尋弑之漢亡

周

後周

始太祖廣順元年辛亥終恭帝顯德七年庚申三帝二姓凡十年禪於宋然顯德七年卽

歷代考 八十七卷
宋建隆元年

太祖皇帝姓郭名威邢州堯山人父簡事晉拜
順州刺史為劉仁恭所殺威少賤黥其頸上
為飛雀世謂之郭雀兒初仕漢為侍衛親軍
都虞侯及高祖即位拜樞密使隱帝三年拜
鄴都留守舉兵入汴弑隱帝隱帝叔崇起兵
將入汴帝乃立崇之子贊詒崇曰世間豈有
雕青天子幸公無以我為疑崇信之罷兵帝
遂廢贊自即皇帝位改國號周承漢水德以

木德王都汴追尊父簡為慶祖章肅皇帝明
年辛亥建元廣順在位三年謚聖神恭肅文
武孝皇帝葬高陵初太祖舉兵於魏漢以兵
圍其第誅張貴妃并子青哥意哥及帝即位
青哥賜名侗封郟王意哥賜名信封杞王後
卒無子立后兄柴守禮之子為嗣是為柴世
宗

世宗皇帝名榮本姓柴氏柴守禮之子邢州龍
崗人姑適周太祖為聖穆皇后無子榮幼從

姑長太祖家太祖愛之以爲子封晉王顯德
四年甲寅正月太祖崩乃卽位改元顯德在
位六年取秦隴平淮右復三關制度禮樂可
施後世謚睿武孝文皇帝葬慶陵子七長宜
哥太祖賜名宗誼次宗誠宗誠皆遇害於漢
追封誼越王誠吳王誠韓王又次恭帝曹王
熙讓紀王熙謹斬王熙誨

恭皇帝名宗訓世宗第四子初封梁王顯德六
年己未卽位年七歲在位一年未改元以顯

德七年庚申正月禪位於宋封爲鄭王周亡
謹按五代起梁太祖開平丁卯至元順帝
至正丁未共計四百六十一年

五季僭位改元十二國

吳

吳據淮南統二十八州始唐昭宗景福元
年壬子終晉高祖天福二年丁酉四主凡
四十六年南唐篡之

晉
楊行密字化源廬州合肥人初爲盜後應募

爲州兵因亂據廬州唐景福元年拜淮南節度使凡十年封吳王凡五年共十五年後溥僭號追尊爲太祖武皇帝墓曰興陵楊渥行密長子嗣爲淮南節度使封弘農郡王立二年張顥徐溫使盜弒之後溥追尊爲烈宗景皇帝墓曰紹陵

楊隆演行密第二子初名瀛嗣爲弘農王凡一十一年僭卽吳王位改天祐十六年爲武義元年凡二年共十三年後溥追尊爲

高祖宣皇帝墓曰肅陵

楊溥行密第四子徐溫立之嗣吳王位改元順義凡六年僭卽皇帝位改元乾貞二又太和六天祚二共十六年建都金陵爲徐溫子知誥所篡謚曰睿吳亡

南唐

南唐據江南統三十五州始晉高祖天福二年丁酉終宋太祖開寶八年乙亥三主凡三十九年宋滅之

李昇字正倫徐州人世本微賤父榮遇唐末亂亡昇少孤流寓濠泗楊行密見而奇之養以爲子楊氏諸子不能容行密以乞徐溫乃冒姓徐氏名知誥初拜昇州刺史楊溥僭號進太尉出鎮金陵封齊王天祚三年丁酉晉天福二年也受吳禪卽皇帝位國號齊建元昇元追尊父徐溫爲忠武皇帝三年復姓李氏更名昇自言唐憲宗子建王恪四世孫改其國號曰唐在位十年

謚光文肅武孝高皇帝廟號烈祖墓曰永陵

李景初名景通昇之長子嗣位改元保大十五年周世宗伐之急去帝號奉周正朔又改元交泰一中興二遷都於洪州鑄大錢以一當十文曰永通泉貨在位十八年謚明道崇德文宣孝皇帝廟號元宗墓曰順陵

李煜初名從嘉景第六子豐頤駢齒一目重

曠子善屬文工書畫自太子冀以上五子皆蚤卒煜嗣立於金陵是爲李後主在位十一年宋命曹彬伐之俘煜至京師封違命侯南唐亡

前蜀

前蜀據西川統四十八州始唐昭宗大順二年辛亥終唐莊宗同光三年乙酉二主凡三十五年唐莊宗滅之

漢

王建字光圖許州舞陽人少無賴里人謂之

賊王八後屬楊復光討黃巢與晏弘等爲八都頭僖宗以屬田令孜孜以爲養子孜敗奔成都攻陳敬瑄殺之并殺令孜自稱畱後凡七年又爲西川節度使凡六年天福三年封蜀王凡四年梁開平二年遂僭卽皇帝位建元武成三又改末平五通政一天漢一政國號漢又改光天一復國號蜀共在位二十八年謚神武聖文孝德明惠皇帝廟號高祖墓曰永陵子十一衛王

歷代通鑑輯覽 卷之七十九
宗仁簡王宗膺趙王宗紀幽王宗輅韓王
宗智莒王宗特信王宗傑魯王宗鼎興王
宗澤薛王宗平衍最幼

王衍建第十一子初封鄭王光天元年卽位
明年改元乾德六咸康一在位七年荒淫
無度唐魏王繼岌伐蜀迎降莊宗使人於
道誅之蜀亡

後蜀

後蜀據西川統四十六州始唐莊宗同光
三年乙酉終宋太祖乾德三年乙丑四主
凡四十一年宋滅之

孟知祥字保胤邢州龍崗人父道事晉不顯
至知祥爲太原尹唐莊宗同光三年乙酉
滅蜀使知祥守之凡七年遂反攻殺董璋
并有東川明宗封爲蜀王凡二年遂卽皇
帝位建元明德一年共十年謚文武聖德
英烈明孝皇帝廟號高祖墓曰和陵

孟昶知祥第三子初名仁贊卽位三年仍稱

歷代考 卷七
明德至四年始改元廣政凡二十八年共
在位三十一年宋命王全贊伐蜀迎降俘
入京師封秦國公七日而卒後蜀亡

南漢

南漢據廣州統四十七州始唐哀帝天祐
二年乙丑終宋太祖開寶四年辛未五主
凡六十七年宋滅之

劉隱其祖安仁上蔡人也後徙閩中商賈南
海因家焉父謙唐僖宗時為廣州刺史生

三子隱台巖謙卒隱嗣位天祐二年拜節
度使後封南平王又進南海王凡十年追
謚襄皇帝

劉龔初名巖謙庶子隱之弟嗣立七年僭即
皇帝位國號大越後又改號漢建元乾亨
八白龍三大有十四共在位二十五年謚
天皇大帝廟號高祖墓曰康陵子二十一
劉玠初名洪度龔第三子初封秦王嗣位改
元光天在位二年荒淫不能任事妖人張

遇賢自稱中天大國王改元末樂攻陷郡
邑玠無如之何弟晟使人拉殺玠謚曰殤
劉晟初名洪熙封晉王既弒兄自立乃改元
應乾又改乾和在位十五年盡殺其諸弟
謚文武光聖明孝皇帝廟號中宗墓曰昭
陵子五人

劉鋹初名繼興封衛王晟之長子即位改元
大寶立十五年無道作燒煮剝剔刀山劍
樹之刑宋太祖命潘美伐之擒赴京師封

恩赦侯南漢亡

北漢 五代史稱東漢

北漢據晉陽統十二州始周太祖廣順元
年辛亥終宋太宗太平興國四年己卯四
主三姓凡二十九年宋滅之

劉崇更名旻漢高祖智遠之弟美鬚髯目重
瞳子少無賴嘗黥為卒高祖即位為太原
尹北京留守隱帝遇弒謀舉兵聞立其子
贇乃喜罷兵後周篡位遂以廣順元年即

歷代考 六十七卷
皇帝位於太原仍稱乾祐年號在位四年
與周戰敗憂憤而卒

劉承鈞旻次子稱男奉事契丹述律答詔呼
為兒許其嗣位甲寅卽位三年丁巳乃改
乾祐十年為天會元年共在位一十四年
病卒

劉繼恩本姓薛氏父釗為卒旻以女妻之生
繼恩女常居中罕得見釗不平因醉拔佩
刀刺之不死因自裁後女適何氏生繼元
何氏及女皆卒旻以承鈞無子命養二人
為子承鈞卒繼恩告契丹得立在位二月
為供奉官侯霸榮所殺

劉繼元亦承鈞養子繼恩弑郭元旣誅霸榮
迎而立之戊辰卽位改元廣運立十一年
為人殘忍旻諸子皆為所殺宋太宗親征
并州繼元乃迎降封彭城公北漢亡

楚

楚據湖南統二十三州始唐昭宗乾寧三

歷代考 八十七卷
年丙辰終周太祖廣順元年辛亥六主凡五十六年南唐滅之

馬殷字霸圖許州鄆陵人初從秦宗權為盜後與建峰入據潭州唐僖宗封為馬步軍指揮使昭宗乾寧三年拜潭州刺史授武安軍節度使五代梁唐進封楚王共在位三十三年長興元年卒謚武穆

馬希聲殷次子以母寵立長子希振棄官為道士居於家希聲在位二年長興三年卒

追封衡陽王

馬希範殷第四子嗣楚王位一十五年開運四年卒謚文昭

馬希廣範同母弟立四年為兄朗州節度使希萼攻入弑之

馬希萼乾祐三年弑兄自立遂臣於南唐李景景封為楚王一年弟希崇作亂囚之

馬希崇廣之弟謀奪兄希萼位而自立一年亦臣於南唐李景周廣順元年景遣邊鎬

入楚盡遷馬氏之族於金陵楚亡

吳越

吳越據兩浙統十三州始唐昭宗乾寧二年乙卯終宋太宗太平興國三年戊寅五主凡八十四年納土於宋國除

錢鏐字具美杭州臨安人少無賴販鹽為盜後以討黃巢功拜杭州刺史乾寧二年越州董昌反攻執平之改授鎮海軍節度使還治錢塘天復二年封越王天祐元年封

吳王梁太祖封吳越王賜所居城為安國衣錦軍唐莊宗賜玉冊金印共在位三十二年壽八十一謚武肅

錢元瓘鏐之子嗣立十年天福六年杭州大火燒宮室迨盡元瓘大懼因病狂卒謚文穆

錢弘佐元瓘子嗣位六年開運四年卒謚忠獻

錢弘侖佐之弟以次嗣位立一年為其大將

胡進思所廢

錢弘俶侖之弟嗣位凡三十五年宋太平興國三年來朝納土舉族歸於京師其後子孫仕宋多為顯官吳越亡

閩

閩據福建統五州始唐昭宗景福元年壬子終晉出帝開運三年丙午六主凡五十五年南唐滅之

王審知字信通光州固始人父恁世為農兄潮初與審知為盜光啓二年拜泉州刺史景福元年即以為福建觀察使潮卒審知代立進封琅琊王凡一十五年梁太祖封為閩王凡一十九年共三十四年同光三年卒謚忠懿

王延翰審知長子嗣立一年取史記示將吏謂閩自古王地建國稱王猶稟唐正朔弟延稟延鈞以兵入弑之

王鏐初名延鈞審知次子弑兄嗣立凡五年

長興三年僭即皇帝位國號閩建元龍啓
三年又改永和三追尊審知為太祖昭武孝
皇帝共在位一十年子繼鵬與皇城使李
倣弒之謚惠皇帝廟號太宗

王繼鵬鱗長子既立更名昶改元通文三年
連重遇朱文進縱火焚南宮昶出宿於野
被殺謚康宗

王延羲審知少子既立更名曦淫虐沉湎改
元永隆鑄大鐵錢以一當十四年延政自
立於建州六年出遊醉歸連重遇等遣壯
士於馬上拉殺之謚景宗

殷

王延政審知子曦既淫虐延政馳書諫之曦
怒攻延政延政遂以建州建國稱殷改永
隆五年為天德元年明年為晉出帝開運
元年連重遇弒曦朱文進自立閩大亂南
唐發兵攻滅之開運三年遂攻破建州遷
延政之族於金陵延政凡立四年閩亡

南平

南平據荆南統三州始梁太祖開平元年
丁卯終宋太祖乾德元年癸亥五主凡五
十七年宋滅之

高季昌字貽孫後避唐諱更名季興陝州硤
石人少為汴州富人李讓家僮讓以入貲
得幸於梁太祖賜姓名朱友讓為養子見
季昌奇之因命養為子昌姓朱氏以破岐
功拜宋州刺史復姓高氏開平元年加荆
南節度使末帝封渤海王唐莊宗封南平
王又以荆歸峽三州臣於吳吳用為秦王
共立二十二年有九子天成三年卒謚武
信

高從誨季昌長子長興元年唐拜為節度使
封渤海王又封南平王凡立二十年時晉
南漢閩蜀皆稱帝從誨俱臣事之利其賜
予故人稱為高賴子猶言無賴也乾祐元
年卒謚文獻子十五人

高保融從誨第三子嗣立十二年建隆元年

卒謚貞懿

高保勗從誨第十子嗣立二年卒

高繼冲保融之子嗣立一年來乾德元年慕容延釗討荆南襲降之納土國除

岐

秦據鳳翔統二十州始唐僖宗光啓三年丁未終後唐莊宗同光二年甲申凡三十八年後唐明宗滅之

李茂貞本姓宋名文通深州博野人初爲博

野軍卒戍鳳翔以擊黃巢有功遷軍校又擊敗朱玖光啓三年拜武定軍節度使賜姓名李茂貞又拜鳳翔隴右節度使二舉兵犯京師加尚書令封岐王後唐改封秦王共立三十八年同光二年疾卒謚忠敏後子從儼嗣爲鳳翔節度使廢帝時卒年代不紀

燕

劉守光深州樂壽人父仁恭事幽州李可舉

能穴地道以攻城軍中號劉掘頭乾寧元年唐以爲幽州留後拜盧龍節度使子守文爲橫海節度使凡一十四年仁恭有愛妾守光蒸之開平元年守光遂執仁恭幽之殺兄守文自稱盧龍節度使凡四年乾化元年遂僭卽皇帝位國號燕建元應天凡二年共在位六年明年晉遣周德威攻破之執守光并仁恭及家族斬之燕亡

歷代帝王曆祚考卷之七終

